

DISPVATIO THEOLOGICA
DE
BAPTISMO
ET INPRIMIS DE AN-
TIQVIS CIRCA EVM
RITIBVS.

QVAM

AVSPICE DEO OPT. MAX.
VENERANDI ET AMPLISSIMI THEO-
LOGORVM COLLEGII PECVLIARI
INDVLTV,

FRIDERICVS VLRICVS
CALIXTVS

ET

HENRICVS LINDES

CELLENSIS

IV Nonarum Novembris

AUDITORIO DOMESTICO
EXAMINI STUDIOSORVM SVB-
MITTVNT.

℞) o (℞

HELMESTADI,

IN TYPOGRAPHEO CALIXTINO EXCVDIT
HENNINGVS MVLLEVS.

CIO IO CL.

72

THE
OFFICE OF THE
SHERIFF
COUNTY OF
SANTA BARBARA
CALIFORNIA
NOTICE
TO CREDITORS
AND ALL
PERSONS
HOLDING
CLAIMS
AGAINST
THE ESTATE
OF
JAMES
M. [Name]
DECEASED
THE UNDERSIGNED
SHERIFF OF
SANTA BARBARA
COUNTY
CALIFORNIA
DOES HEREBY
GIVE NOTICE
THAT HE HAS
BEEN APPOINTED
ADMINISTRATOR
OF THE ESTATE
OF THE ABOVE
NAMED DECEASED
PERSON
AND THAT HE
WILL RECEIVE
AND PAY
THE CLAIMS
OF CREDITORS
AND ALL PERSONS
HOLDING CLAIMS
AGAINST THE ESTATE
OF THE ABOVE
NAMED DECEASED
PERSON
IN ACCORDANCE
WITH THE
PROVISIONS
OF THE
SANTA BARBARA
COUNTY
CALIFORNIA
COURT
IN THE
MATTER OF
THE ESTATE
OF THE ABOVE
NAMED DECEASED
PERSON
AND THAT HE
WILL HOLD
OFFICE AT
THE COURT
HOUSE
IN THE
CITY OF
SANTA BARBARA
CALIFORNIA
ON
TUESDAY
THE 12TH
DAY OF
JANUARY
NEXT AT
THE HOUR
OF 10 O'CLOCK
A.M.

AND THAT HE
WILL RECEIVE
AND PAY
THE CLAIMS
OF CREDITORS
AND ALL PERSONS
HOLDING CLAIMS
AGAINST THE ESTATE
OF THE ABOVE
NAMED DECEASED
PERSON
IN ACCORDANCE
WITH THE
PROVISIONS
OF THE
SANTA BARBARA
COUNTY
CALIFORNIA
COURT
IN THE
MATTER OF
THE ESTATE
OF THE ABOVE
NAMED DECEASED
PERSON
AND THAT HE
WILL HOLD
OFFICE AT
THE COURT
HOUSE
IN THE
CITY OF
SANTA BARBARA
CALIFORNIA
ON
TUESDAY
THE 12TH
DAY OF
JANUARY
NEXT AT
THE HOUR
OF 10 O'CLOCK
A.M.



SERENISSIMO PRINCIPI
ET DOMINO

GEORGIO
WILHELMO,

DUCI BRUNSVICENSIVM ET LV-
NEBURGENSIVM,

DOMINO MEO CLEMENTISSIMO

SALVTEM ET FELICITATEM.

QUamvis eruditio omnis, Serenif-
sime Princeps, quâ animi exco-
luntur, suam mereatur laudem, in-
magnâ tamen studiorum varieta-
te eminet illa, quâ Ecclesiæ & Reipublicæ
incolumitas & salus nititur. Et quum DEVS
Regibus ac Principibus, quibus populos gu-
bernandos commisit, non tantum civilis rei-
publicæ, sed etiam Ecclesiæ curam & patro-
cinium demandarit, in proclivi est æstima-
re quanti eorum intersit, ut in promptu ha-

(:) 2

beant,

beant, quibus in tantâ rerum mole tant-
quam instrumentis utantur, nec aut caren-
di, aut è longinquo & foris petendi incum-
bat necessitas. Magni igitur & sapientes Prin-
cipes judicarunt, se patriam majore nullo
& magis in posteros redundaturo beneficio
afficere posse, quàm si eam academiâ locu-
pletarent. Ita judicavit Princeps gloriosæ
memoriæ IULIVS, hujus Guelficæ acade-
miæ, cujus natalem LXXV ante paucos dies
celebravimus, fundator. Ita judicarunt tan-
to patre & avo dignissimi filius & nepos,
sapientissimus HENRICVS IULIVS, & mi-
tissimus FRIDERICVS VLRICVS, in cœle-
stem patriam pridem recepti, quum inter
mortales agerent, conservandæ suæ Iuliæ
non minùs satagentes, quàm in erigendâ o-
perosus fuerat parens & avus. Visum au-
tem est D E O opt. max. ut Heroibus hisce
ad æternam gloriam translatis academia,
quæ hætenus uni parti quasi propria fue-
rat, toti Serenissimæ familiæ communis red-
deretur. Quanti autem eam faciatis, qui
in eorum locum successistis, & hodie Brun-
svicenses

svicenses & Lüneburgenses provincias feliciter gubernatis, multiplicibus & evidentibus constatar argumentis. Quin Visitatione, quam nunc molimini, & cis paucos dies instituetis, id unice intenditis, ut quæ diuturno & calamitoso bello labefactata sunt, in integrum restituantur; atque adeo Iulia Vestra quò solidioribus innititur fundamentis, eò felicius cum Deo propitio perennet. Id verò palmarium est, quod Ipsi egregiâ eruditione instructi exemplo Vestro nostratem, juventutem excitatis. Quibus proinde haut ingratum fore existimandum est, si academix Vestræ ditionumque Vestrarum alumni id agant, ut quibus studiis potissimum occupentur, Vobis, in quorum patrocinio & benignitate spem suam locarunt, innotescat. Quidquid itaque sive primitiarum sive speciminis loco obtulerint, serenâ fronte acceptum iri clementissimus in studia studiorumque cultores affectus persuadet. Serenissimo Avgvsto excelssimæ Vestræ familiæ Seniori incluto, ——— *merito cui doctior orbis*

Submissis defert fascibus imperium,

A 3

Ejusq;

Ejusque Celsitudinis Illustrissimis FILIIS, Do-
minis meis clementissimis, me coram sisten-
di obsequiumque testandi aliquoties obti-
git felicitas. Et dum spero vel exspecto, pa-
rem aliquando, quod Tuam, Serenissime Prin-
ceps, Tuorumque FRATRYM, Dominorum
itidem meorum clementissimorum Celsitu-
dines attinet, oblatum iri, interea humilli-
mum affectum vel tenuibus scriptis testandi
ardor incessit. Grande desiderium intra an-
gusta animi septa cohiberi diutius nescium,
laxatis quibus circumscribebatur limitibus,
tandem erupit. Et quum detertere potuif-
set conatum meorum exilitas, ne tantis
Principibus offerrentur, formidinem tamen
deterfit, & ut auderem invitavit adeo nota
& passim deprædicata benignitas. Tracta-
tum itaque de Igne Purgatorio Celsitudinis
Tuae Fratri, Serenissimo Principi CHRISTIA-
NO LVDOVICO, Domino meo clementis-
simo, humiliter obtuli: quem sereno vultu
exceptum esse magnopere gaudeo. Pari co-
mitate exceptum iri hoc devotissimi pecto-
ris documentum, quod Tuo, Serenissime

GEOR-

GEORGI VVILHELME, conspectui nunc
sisto & submitto, planè confido; DEVMQUE
opt. max. supplex veneror, ut Celsitudini
Tuæ annos plurimos, valetudinem firmam
& regimen felicissimum, Ecclesiæque univer-
sæ, inprimis harum ditionum, totique Im-
perio quietem & solidam prosperitatem pro-
pitius indulgeat. Faxit isipse, ut quæ imminet
benignissimis auspiciis Vestris instituenda Vi-
sitatio academica, non modò vulneribus,
quæ diuturna temporum perturbatio infli-
xit, medeatur, sed cicatrices ipsas, ne quæ pri-
stinatarum adversitatum vestigia supersint, a-
boleat. Cedant autem omnia in nominis di-
vini gloriam, & respirantis patriæ præsidium
perpetuumque emolumentum. Quoniam verò
de academiâ sermō est, non possum quin sub-
jungam ΕΓΚΩΜΙΟΝ ΑΚΑΔΗΜΙΩΝ, quod
ante annos propemodum quadraginta con-
signavit Iohannes Caselius, vir magnæ ut fa-
mæ, ita quoque eruditionis & prudentiæ, & in-
signe non modò hujus academiæ, sed univer-
sæ Germaniæ ornamentum. Est, inquit, aca-
demia

demia (esse profectò debet) nihil
aliud, quàm arx sapientiæ, templū
veritatis, scientiarum thesaurus,
omnium liberalium artium mer-
catus, modestiæ & humanitatis
palæstra, amicitiae & humanarum
virtutū officina, civilium instru-
mentorum armamentarium, mi-
rabiliū animi voluptatum pa-
radisus, atq; fons universæ in hisce
terris vitæ beatæ, deniq; etiam au-
rora quædam, communis omniū
salutis prænuncia. Faxit DEVS, ut hæc
elogia non modò in hanc Iuliam, in quā ista
scribo, sed in universas Germaniæ, imò Chri-
stiani orbis academias reapse competant.
x Kl. Novemb. cio 10 c 4.

Serenæ Celsæ Tux

*subiectissimus & devotissimus
filius*

FRIDERICVS VLRICVS CALIXTVS.

DE BAPTISMO, ET INPRIMIS DE
ANTIQUIS CIRCA EVM RI-
TIBVS.

Baptismus est actio ab ipso Christo
θεανδεωπω servatore nostro instituta, qua
quicunq; Christo nomen dare, & ecclesie
Christianae inseri cupiunt, tam feminae
quam mares, tam infantes quam adulti, aqua sive
per immersionem sive per adspersionem abluuntur,
in nomine Patris & Filij & Spiritus sancti, ut ipsis hoc
ritu significante & simul quod significat efficiente, re-
missionis peccatorum, regenerationis & adoptionis
gratia vel conferatur, vel confirmetur & obfigetur.

II. Auctor baptismi est, ut dictum jam fuit,
Christus servator: qui quemadmodum ritus circa
manducationem Agni Paschalis observari solitos ad
sublimioris & sanctioris actionis rationem & effe-
ctum transtulit; ita quoque baptismata vel ablutio-
nes: quales juxta legem Mosaicam *diverse sive va-
rie* in usu erant, quamquam non facientes nisi *ad car-
nis* vel externam *puritatem*, sicut docetur Heb. xi, 10
& 13. De quibus videri potest Levit. xiv, xv, xvi:
Deut. xxiii, 11. Tradunt Magistri Iudaorum, bap-
tismum sive ablutionem tunc quoque adhibitam fuisse,
quando gentiles in proselytos transibant, & populo
B Iudaico

Iudaico inferebantur, sine dubio ut per eam indicaretur sordes vitæ & morum esse detergendas, & operam dandam mundiciæ. Hunc inquam sive Mosaricum sive Iudaicum ritum sanctiore nūdem modo & sine usurpandum Servator noster constituit & ordinavit. Quem etiam ipsum jam antè ad incandæ novæ & innocentis vitæ initium instinctu divino transtulerat Iohannes baptista.

III. *Iesus tamen ipse non baptizabat, sed discipuli ejus*, Ioh. IV, 2. Quibus etiam in cœlum adscensus mandavit, ut perfecti docerent omnes gentes, baptizantes eos in nomine Patris, & Filij, & Spiritus sancti, Matt. xxix, 19. Exinde igitur, atque adeo etiam hodie baptismum per Ecclesiæ ministros ordinariè administrari par est.

IV. Ordinariè inquam: quemadmodum enim aliàs in casu necessitatis, & ubi viri, qui præsent, desunt, sociis munus docendi aliquando obire licet; ita etiam ipsdem in pari casu baptismi ministratiōem haurquaquam derogabunt, quicumque regenerationis lavaerum infantibus necessarium judicant. Iohannes Occolampadius epistolâ ad Berch-

L. i. epist.

Oecol. &

Zwingl.

toldum Hallerum, ecclesiastên Bernensem: *Neg ego superstitionem dixerim mulierum, si infirmos pueros tingi festinent.* De ministro autem baptismi in hunc modum loquitur Tertullianus De baptismo c. xvii: *Dandi jus habet summus sacerdos, qui est episcopus. De-*

bis

binc presbyteri & diaconi, non tamen sine episcopī auctoritate propter Ecclesiæ honorem. Quo salvo salva pax est. Alioquin etiam laicis jus est. Quod enim ex æquo accipitur, ex æquo dari potest. — Sufficiat scilicet, ut in necessitatibus utaris, sicuti aut loci, aut temporis, aut personæ conditio impellit. Tunc enim constantia succurrentis, in detrectando videlicet, excipitur, quum urget circumstantia periclitantis. Quoniam reus erit perditionis hominis, si supersederit præstare, quod liberè potuit. Hieronymus dialogo adversus Luciferianos: Sine chrismate & episcopi iussione neq. presbyter neq. diaconus jus habent baptizandi. Quod frequenter, si tamen necessitas cogit, scimus etiam licere laicis. Augustinus libro secundo contra epistolam Parmeniani, cap. xiii: Nulla cogente necessitate si fiat, alieni muneris usurpatio est: si antea necessitas urgeat, aut nullum aut veniale delictum est. Canon xcix Concilij quarti Carthaginensis ita habet: Mulier quamvis docta & sancta viros in conventu docere non præsumat. Sequitur mox canon centesimus: Mulier baptizare non præsumat, nempe ut præcedente canone dictum, in conventu, & citra urgentissimam necessitatem.

V. Quum qui baptismum confert, ejus essentiam non ingrediatur, validè & efficaciter administrabitur ab omnibus, qui quæ ad essentiam ejus faciunt, ritè exsequuntur, siue illi sint pii siue impii, siue orthodoxi siue hæretici: licet enim ipsi veraces

non sunt, quod dant tamen verum est, quum non
dent suum sed Dei. Quod ipsum adversus Donatistas
multis adseruit & demonstravit Augustinus.

VI. Materia & forma substantiarum propriæ
sunt, & quidem corporearum. Transferuntur tamen
vocabula ad res etiam alias significandas & decla-
randas; uti hic actio secundum se vulgaris, nempe ab-
lutio vel mersio, per adjunctam aliam haut vulgarem,
pronunciationem videlicet formulæ à Christo fan-
citæ, redditur sacra actio, sive contrahitur ad esse
actionis sacræ, habentis sacrum & supernaturalem
effectum. Ablutio igitur hic subit vicem materiæ,
pronunciatio verborum IN NOMINE PATRIS ET
FILII ET SPIRITVS SANCTI, formæ. Absque hac
enim si sit, nihil fuerit externum & sensibile, quo ex
institutione Christi sacra hæc lotio distinguatur à
vulgari, sive in esse actionis sacræ constituatur. Nec
Christus distinctè protulisset trium divinarum per-
sonarum nomina, si nihil aliud voluisset, quàm man-
dato divino baptismum esse administrandum; & non
voluisset in ipso baptismi actu tres hæc personas
distinctè nominari. Hinc Cyprianus epistolâ LXXIII:
*Ipse Christus gentes baptizari iubet in plenâ & aduna-
tâ Trinitate.*

VII. Ablutio itaque proxima baptismi mate-
ria. Remotior materia, vel in quâ fit ablutio, est aqua,
aliàs ad abluendum per naturam apta, & passim ob-

via. Hinc Ephes. v, 26: *Christus mundat Ecclesiam lavacro aque in verbo. Et nisi quis renatus fuerit ex aqua & spiritu, non potest introire in regnum Dei*, Ioh. iii, 5. Iohannes baptizabat in Iordane, Matt. iii, 6; Marci i, 5: *in Enon prope Salim, quoniam aquae multae erant illic*, Ioh. iii, 23. Sic etiam sub initium Ecclesiae Apostoli & eorum discipuli in aquis, in quas fortè incurrerent, baptizabant, ut constat ex historiâ Philippi & Eunuchi, Act. ix. *Nulla distinctio est, ait Tertullianus, mari quis an stagno, flumine an fonte, lacu an alveo diluatur: nec quidquam refert inter eos, quos Iohannes in Iordane & quos Petrus in Tiberi tinxit.*

*De baptismo
cap. 4.*

II. Materia circa quam vel objectū hujus, de quā agimus, ablutionis sunt homines, quos sub initium diximus: ijq; vel adulti, sive qui suo ipsorum arbitrio reguntur, & quid petant aut agant ipsi intelligunt; vel infantes, quorum nomine petant sive parentes, sive alij, in quorum potestatem transierint, & qui ut in religione Christianā educentur, praeſtare possint. Baptismus enim est *lavacrum regenerationis & renovationis Spiritus sancti*, sive à Spiritu sancto productae & factae, Tit. iii, 5. Qui itaque regeneratione & renovatione indigent, illis quoque necessarius est baptismus. At infantes indigent. Nam *quod natum est ex carne, caro est: & propterea nisi quis fuerit genitus ex aqua & Spiritu, non potest introire in regnum Dei*, Ioh. iii, 5 & 6. Nec aliud est medium divinitus ordina-

tum, quod infantibus applicari possit. Igitur in istâ Ecclesiâ propterea cum baptizandis parvulis festinatur & carritur, quia sine dubio creditur aliter eos in Chri-

Epist. 23. sto vivificari non posse, ut scribit ad Hieronymum Augustinus. Et in Genesin libro x, cap. xi: Parentes ad percipiendam gratiam sancti baptismi etiam cum parvu-

Epist. 59. lis & infantibus currunt. Augustino antiquior Cyprianus obnititur Fido, qui dicebat infantes intra secundum vel tertium diem, quo nati sint, constitutos baptizari non debere, sed expectandum, sicut in circumcissione, octavum. Irenæus libro ii, cap. xxxix: Omnes venit per semetipsum salvare Christus: omnes, inquam, qui per eum renascuntur in Deum, infantes & parvulos, & pueros, & juvenes, & seniores. Observandum autem est primis Ecclesiæ temporibus & seculis baptismum adutorum frequentiore fuisse quàm infantium: adultos verò baptizari non potuisse vel debuisse, priusquam summam fidei ad salutem necessariæ edocti essent & profiterentur. Quamdiu docebantur, catechumeni vocabantur; & eorum institutio catechesis. Quæ tamen peculiari industriâ circa illos occupabatur, qui nomina sua dederant & Competentes vocabantur. Ad eos habitæ catecheses τὸ φωνηούμενον Cyrilli Ierosolymitani, quæ unâ cū Procatechesi exstant, numero octodecim. Quinque verò, quæ sequuntur, mystagogicæ apud recens baptizatos dictæ sunt. Observandum etiam hoc est,

post

post finem persecutionum, ubi tranquillitas data Ecclesiæ, extrui coepisse baptisteria, sive sacraria templis adjuncta, in quibus baptismus administraretur, & quidem in paratis ibi fontibus vel alveis. Baptismus enim per immersionem ordinariè peragebatur: adersionem tamen, si aliter ægris & in lecto positis exhiberi non posset, probat & defendit Cyprianus epist. LXXXVI.

IX. De baptisterijs addemus, quod habet Onufrius Panvinius libro de præcipuis urbis Romæ basilicis. Antiqui, inquit, post pacem Christianis datam fontes & baptisteria amplissima exædificarunt. Observat autem in multis civitatibus unum tantum per singulas urbes fontem sive locum, quem Baptisterium vocaverint, prope majorem civitatis basilicam, condidisse. Baptisterium ecclesiæ Lateranensi adjunctum, hodie adhuc reliquum, quamquam omnibus ornamentis, quæ insignia fuisse vestigia subindicent, exspoliatum, ita describit: Totum est formâ octangulâ. In medio habet fontem in terrâ excavatum ad quinque ulnas, totum tabulis lapideis coopertum, sive quâ latera cinctum, præter pavementum, quod est è calce. Tribus gradibus in id descensus est. Reliqua vide apud ipsum. Addimus etiam ex Anastasio bibliothecario descriptionem baptisterij à Leone tertio pontifice exstructi. Baptisterium, inquit, quia jam præ nimia vetustate ruine proximum erat, & quia angustior locus populi existebat, qui ad ba-

ptismum

ptissimum veniebat, — in meliorem erexit statum, atque sacrum fontem in medio largiore spacio fundavit, & in circuitu columnis porphyriticis decoravit, & in medio fontis columnam posuit, & super columnâ agnum ex argento purissimo, fundentem aquam. Carolus Sigonius libro v de regno Italiæ privilegia nonnulla episcopis ab Imperatoribus Caroli magni posteris concessa recitat, in quibus ecclesiæ baptismales memorantur.

X. Adjecerunt autem veteres ritui primario, quem Christus instituit, alios quosdam facientes ad actum hunc ornandum, vel etiam ad significanda & adumbranda, quæ ad hoc mysterium pertinent; præsertim ex quo pace Ecclesijs redditâ peculiariora loca & certi fontes baptismi deputati. Pridem dabatur baptismus in aquis & fluvijis obvijs: inde verò coeperunt aquæ in illis, quos diximus, fontibus aut alveis benedici. Ambrosius, si tamen ille, libro primo de sacramentis, cap. v: *Usus hoc habet, ut antè fons consecratur, & tunc descendat qui est baptizandus.* Catechumeni, quando eò usque profecerant, ut symbolum sive summam religionis Christianæ se adsequutos esse & tenere existimarent, nomina sua professi baptismum petebant: & hinc Competentes dicebantur, & porro nihilominus erudiebantur & ad suscipiendum præparabantur. Ambrosius epistolâ xxxiii: *Die dominicâ post lectiones atq; tractatum dimissis*

fit Catechumenis symbolum aliquibus Competentibus in baptisterijs tradebam basilicæ. Hieronymus ep. lxi de erroribus Iohannis Ierosolymitani, cap. iv: Consuetudo apud nos istiusmodi est, ut is qui baptizandi sunt, per x l. dies publicè tradamus sanctam & adorandam Trinitatem. Augustinus in libro de fide & operibus cap. vi: Quid aliud agit totum tempus, quo Catechumenorum nomen & locum tenent, nisi ut audiant quæ fides & qualis vita debeat esse Christiani? — Quod autem fit per omne tempus, quod in Ecclesiâ salubriter constitutum est, ut ad nomen Christi accedentes Catechumenorum gradus accipiant; hoc fit multo diligentius & instantius his diebus, quibus Competentes vocantur, quum ad percipiendum baptismum sua nomina jam dederunt. Isidorus de officiis Ecclesiasticis libro, ii, cap. xxi: Competentes sunt, qui jam post doctrinam fidei, post continentiam vitæ, ad gratiam Christi percipiendam festinant. Ideoq; appellantur Competentes, id est, gratiam Christi petentes. Nam Catechameni tantum audiunt, necdum petunt. Hinc igitur in hoc inferiore gradu constituti Audientes quoque appellabantur, communium secundum Poenitentium ordine vocabulo. Tertullianus libro de Poenitentia cap. vi: Nemo sibi aduleatur, quia inter Auditorum tirocinia deputatur, quasi etiam nunc sibi delinquere liceat. Dominam simul cognoveris, timeas. — An alius est intinctus Christus, alius Audientibus? — Hæc prima Audientibus intinctio est, metus.

C

inte-

*integer. — Itaq. Audientes optare intinctionem non
presumere oportet. Cyprianus Optatum confessorem
doctorem Audientibus constituit, epist. xxiv. Victorinus
rhetor Romanus, ubi imbutus est primis instructionum
sacramentis, non multò post etiam nomen dedit, ut per
baptismum regeneraretur, sicut scribit Augustinus
Confessionum libro ix, cap. ii.*

XI. Docebantur autem Competentes, quæ ita
dilucidè alijs non exponebantur. Quin vetabantur
Competentes, quæ audivissent, sive infidelibus, sive
ipsis etiam Audientibus temerè enunciare: sine du-
bio ne summa Christianæ religionis mysteria impru-
denter & intempestivè propolita hos turbarent, illis
verò ludibrio essent. Quomodo enim mysterium
Trinitatis ethnici irriserint, patet ex dialogo, qui
Philopatris inscribitur, & Luciani dialogis adjungi-
tur. Cyrillus Ierosolymitanus Procatechesi indicat,
paganos, si incidissent in hominem, qui baptizandus
esset, irrisisse & dixisse: *Ingredere aquam ut submergea-
ris. Numquid enim adhuc civitas balnea non habet?* Ex
eadem Procatechesi, quod paulò antè diximus, le-
ctori dilucidius patebit. *Quum catechesis, inquit,
recitatur, sit catechumenus ex te quæsierit, Quid dicebant
Doctores? nihil dicas externo: mysteria enim tibi, &
spem futuri seculi trañimus. Custodi hoc mysterium re-
tributori, nec unquam dicentem aliquem audi, Quid ob-
est, si & ego didicero? Etiam egroti Vinum quandoq. po-
sulant:*

stulant, quod si intempestivè illis detur, phrenesin conciliat: & duo hinc nascuntur mala: nam eger interit & medicus malè audiet. Sic & catechumenus, si audiat mysteria à fidei, phrenesin patitur: nescit enim quid audiverit, & tamen arguit rem ignotam, & dicta irridet: fidelis verò tanquam proditor condemnatur. Iam ergò tu in finibus nostris constitutus cave ne quid effutias: non quòd digna non sint narratione ea, quæ ibi dicuntur, sed quòd indignus est ille audire, cui refers. Fueras & tu aliquando catechamenus, neq. tamen proposita mysteria tibi enarrabantur. Catechesi eorum, qui illuminantur, sextà: Ecclesia nunc mysteria enarrat ei, qui ex catechumenis egreditur. Non est moris ea ethnicis exponere. Ethnico enim mysteria de Patre & Filio & Sancto spiritu non enarramus: neq. de mysterijs apud catechumenos palàm verba facimus, sed multa sæpe occultè loquimur, ut fideles qui norunt intelligant, & non ledantur qui non norunt. Pro catechesi etiam subjunguntur, quæ tamen ab alio, quàm auctore, videntur adjecta: Catecheses istas eorum, qui illuminantur, accedentibus quidem ad baptismum, & his qui hoc lavacrum habent iam fidelibus, legendas exhibeas: catechumenis verò, & alijs qui non sunt Christiani, ne dederis: alioquin redditurus es Domino rationem. Synodus Alexandrina, in epistolâ ad omnes catholicæ ecclesiæ episcopos, quæ ab Athanasio in Apologiâ secundâ producit: & χρὴ τὰ μυστήρια ἀμύητοις τελεῶμεν, ἵνα μὴ ἕδνες μὲν ἀγνοῶντες

γελῶσι, κατηχούμενοι δὲ πᾶσι λόγοι γενόμενοι σκαν-
δαλίζονται. Non est fas mysteria non initiatis pro-
dere, ne gentes ex imperitiâ derideant, catechumeni verò
ex curiositate scandalum patiantur. Theodoretus dia-
logo secundo: ἔχρη σαφῶς εἰπεῖν, ἐκὸς γὰρ τι-
νας ἀμυήτες παρεῖναι. Non docet manifestò profer-
re: verosimile enim aliquos adesse non initiatos. Grego-
rius Nazianzenus sub finem orationis xL, de ba-
ptismo ad innox baptizandos dicit: Habes quæ de my-
sterio foras exportare, atq. ad vulgi aures efferre licet.
ἔχεις τὴ μυστηρίῳ τὰ ἐκφρα, καὶ ταῖς τῶ πολλῶν
ἀκοῇ; ἐκ ἀπόρητα. Liber inter opera Ambrosij De
ijs, qui mysterijs initiantur, cap. ultimo: *Mysterium*
*ne divulgetur quibus non convenit, ne garrulâ loquaci-
tate dispergatur in perfidos. Huc spectat etiam illud, quod*
*Chrysostomus multoties usurpat, ἴσασι οἱ μεμνη-
μένοι, Norunt illi, qui initiati sunt. Homiliâ xL in*
*priorem ad Corinthios, In memoriam, inquit, redu-
cant, qui initiati sunt, verba, quæ tunc nocte illâ sacer-
dotes dicere jubent. — Et cupiam sanè verba clarè pro-*
ferre, si per profanos illos liceret, nam hi difficiliorem no-
bis interpretationem reddunt: cogunt enim aut non clarè
dicere nos, aut mysteria vulgare: dicam tamen, sed quan-
tum fieri potest, adumbratè. Nam post arcana ista ver-
ba, & metuenda, post horribiles canones dogmatum de
cælo transmissorum, etiam hoc ad finem, quum baptizatu-

*tri sumus, adiungimus, & dicere iubemus, Credo mortuo-
 rum resurrectionem; & super hanc fidem baptizamus.
 Nam istud ubi cum ceteris confessi sumus, ibi in fontem
 descendimus laticum sacrorum. Hunc tamen occultan-
 di morem non puto ab Apostolis vel Apostolicâ æ-
 tatē descendere; huicq; adsertioni fidem fecerit Iu-
 stini apologia posterior: sed fortē unā cum usu ba-
 ptisteriorum cœpisse vel invaluisse. Celsus quidem
 Christianam doctrinam clanculariam sæpius appella-
 verat. Sed respondebat eo tempore Origenes: Per
 totum orbem notior est Christianorum prædicatio, quā
 Philosopharum placita. Quis enim Iesum ē virgine natum
 & crucifixum ignorat? Quis resurrectionem ejus multis
 creditum, & denunciationem judicij, reddituri pro di-
 gnitate pœnas peccatoribus & justis præmia? Quin &
 resurrectionis futuræ mysterium vulgatum est, tametsi ri-
 deatur ab infidelibus. Quæ quum ita se habeant, perab-
 surdum est doctrinam hanc vocare clanculariam. Quod
 verò quædam insunt quæ non communicantur quibusvis,
 id non solius Christianæ doctrinæ proprium est, verum
 etiam philosophicæ. Hæc isto tempore Origenes.*

1 contra
 Celsum,
 cap. 8.

XII. Quoniam verò ab idololatriâ & cultu dæ-
 monum ad religionem & fidem Christianam genti-
 les transibant, atq; adeo potestati dæmonū hæcenus
 subditi fuerant: dæmōnes autem sibi deditos ad va-
 ria flagitia, sub prætextu etiam pietatis, ut scortatio-
 nes & homicidia, (quod superiore sæculo itidem a-

pud Americanos dæmonum cultores deprehensum
fuit) impellebant: hinc itaq; factum, ut exorcismi &
exsufflationes adhiberentur, ad significandum eos
nunc è potestate dæmonum eripi & liberari, haut infe-
riore minúsve æstimando opere & beneficio divino,
quàm quando ex corporibus humanis, quæ obsede-
runt, dæmones ejiciuntur. Ipsi quoq; catechumeni
Satanæ ejusq; operibus renuntiabant. Augustinus
de fide & operibus cap. vi: *Intueamur eos, qui per an-
nos singulos ad lavacrum regenerationis accurrunt, qua-
les sint ipsis diebus, quibus catechizantur, exorcizantur,
scrutantur, sive explorantur quantum profecerint.*

XIII. Quoniam autem infantes ita nascuntur, ut
etiam ipsi obnoxij sint damnationi & sub potestate
satanæ; inde itidem infantibus baptizandis adhibiti
exorcismi. Hinc igitur Augustinus contra Pelagianos
peccatum originale inficiatos argumentum depro-
mit, nempe Ecclesiam infantibus exorcismos adhi-
bentem hoc ipso agnoscere & profiteri, quod eâ, quâ
diximus, conditione in lucem prodierint. De nuptijs
& concupiscentiâ libro 1, cap. xx: *In veritate, non in
falsitate potestas diabolica exorcizatur in parvulis; eiq;
renunciant, qui per sua non possunt, per corda & ora ge-
stantium, ut eruti à potestate tenebrarum in regnum sui
Domini transferantur. Quid ergo in eis est, per quod in
diaboli potestate teneantur, donec eruantur inde per sa-
cramentum baptismatis Christi, quid est, nisi peccatum?---*

Nullum

Nullam autem peccatum parvuli in suâ vitâ commiserunt proprium. Remanet igitur originale peccatum, per quod sub diaboli potestate captivi sunt, nisi inde lavacro regenerationis & Christi sanguine redimantur. Libro II, cap. IX: In Ecclesiâ toto orbe diffusâ ubiq; omnes baptizandi infantuli non ob aliud exsufflantur, nisi ut ab eis princeps mundi mittatur foras. Vide etiam contra Iulianum libro I, cap IV; & epist. cv in fine. Contra Pelagium & Celestium libro II, cap. XL: Parvuli in peccatorum remissionem non fallaci sed fidei ministerio baptizantur: etiam prius exorcizatur in eis & exsufflatur potestas contraria; cui etiam verbis eorum, à quibus portantur, sese tenanciare respondent.

XIII. Nempe quæ circa adultos peragebantur, circa infantes etiam observabantur, ut esset paritas rituum circa utrosque, & sub pari obligatione utrisque baptismus conferretur. Quæ igitur hi per se respondere & promittere & profiteri non poterant, eorum nomine responderunt & promiserunt & professi sunt susceptores, quos *Patrinos* aliqui nominant. *Sponsores* vocat Tertullianus libro de baptismo, cap. XIX. Spondent enim hoc ipso, se curaturos, ut in fide & pietate Christianâ, quos baptizandos offerunt, quibusque baptismum conferri petunt, educantur. Augustinus de peccatorum meritis libro I, c. XXXIII: *Ubi parvulos ponimus baptizatos nisi inter fideles? -- hoc enim eis acquiritur per virtutem sacramenti & offeren-*
tium

tium *responsionem*. Ipsos etiam parentes aliquando obtulisse liquet ex epistolâ xxiii. Interrogat enim Augustinum coëpiscopus Bonifacius: *Quid est illud, quod quando ad baptismum offeruntur, pro eis parentes tamquam fidedictores respondent, & dicunt illos facere, quod illa ætas cogitare non potest? Interrogamus enim eos, à quibus offeruntur & dicimus, Credit in Deum? de illâ ætate, quæ utrum Deus sit ignorat. Respondent, Credit.* cxvi sermo de tempore ad Compētentes dirigitur. In eo susceptores jubet agnoscere se fidejussores esse baptizatorum. Pro ipsis enim, ait, respondent, quod abrenuncient diabolo, pompæ & operibus ejus. Et ideo tam illi qui excipiunt, quàm qui excipiuntur, id est, tam patres quàm filii pactum, quod cum Christo in baptismi sacramento conscribunt, custodire contendant.

XIV. Derenunciatione Tertullianus libro de coronâ militis, cap. iii: *Aquam adituri ibidem, sed & aliquanto prius in ecclesiâ sub antistitis manu contestamur nos renunciare diabolo, & pompæ & angelis ejus.* Ambrosius Hexæmëri lib. i c. iv: *Derelinquit & deserit qui abluitur intelligibilem sive spiritualem illum Pharaonem, principem istius mundi dicens: Abrenuncio tibi diabolo, & angelis tuis, & operibus tuis, & imperiis tuis.* Vide etiam De iis qui mysteriis initiantur cap. n; & De sacramentis lib. i, cap. ii. Et hujus renunciationis passim apud veteres mentio. Bene auctor Tractatus De rectitudine catholicæ conversationis, qui insertus

sertus operibus Augustini: *Mementote, quia tunc pactum cum Deo fecistis, atq. renunciare vos diabolo & omnibus operibus eius in ipso baptismo promissistis.* Baptismus videlicet Apostolo Petro est *stipulatio bonae conscientiae apud Deum*, 1 Epist. iii, 21. Nempe Deus à nobis stipulatur bonam conscientiam, sive quod adversus conscientiam nihil velimus committere, & à desideriis & operibus carnis, *quae militant adversus animam*, & à diabolo suggeruntur & probantur, ejusq; propterea opera dicuntur, abstinere.

XV. Quandoquidem talia à plerisque ante baptismum perpetrata erant, ideo Iohannes baptista quum inciperet baptizare, hortabatur homines ut poenitentiam agerent: *& baptizabantur ab eo confitentes peccata sua*, Matth. iii, 2 & 6. Et Petrus post effusa dona Spiritus sancti prædicans, *Agite, inquit, poenitentiam, & baptizetur unusquisq. vestrum in nomine Iesu Christi, in remissionem peccatorum*, Actor. ii, 38. Gentiles, qui convertebantur & Christo nomen dabant, idololatriæ & vitiis hætenus immersi fuerant. Quando itaque catechumeni erant, poenitentiam de pridem commissis agebant, quamquam non eo ritu, quo qui post susceptum baptismum perpetrato flagitio Deum & Ecclesiam offenderant. *Iste curationis ordo est*, ait Augustinus, *ut baptizandicredant in Deum Patrem, & Filium, & Spiritum sanctum eo ritu, quo Symbolum traditur; & à mortuis operibus agant poenitentiam.*

Desido & oper. c. 20.

D

tenti-

sentiam, omniumq; se omnino præteritorum remissionem
accepturos esse non dubitent: nec ut peccare liceat, sed ne
peccasse non noceat; ut sit factus remissio, non permissio
faciendi. Vbi porro declarat eos qui nec pœniteant,
nec peccare desinant, ad baptismum non admitti.
Publicas meretrices, inquit, ad baptismum nisi illa turpi-
tudine liberatas nulla admittit ecclesia. Homilia xxviii
in libro L homiliarum: Neq; ad baptismum Christi, in
quo omnia peccata delentur, quisquam bene accedat, nisi re-
gendo pœnitentiam de vitâ pristinâ. Chrysostomus ho-
miliâ xxi ad populum Antiochenum: Et prius dixi,
& nunc dico, & dicere non desinam, si quis morum vitia
non correxit, nec sibi facilem paravit virtutem, ne bap-
tizetur. Si quis verò inter catechumenos adscitus cri-
mine se obstrinxisset, ad pœnitentiam sollemniter &
stato tempore agendam adigebatur. Synodus Nicœ-
na canone xiv: De catechumenis lapsis placuit sanctæ &
magnæ synodo, ut tribus annis Audientes tantum sint,
nempe in eâ classe pœnitentium, quæ Audiendum
erat, per triennium commorentur; posteaorentur
catechumenis.

XVI. Hoc igitur est pactum, quod Deus cum
conversis ex gentilismo per baptismum init, ut ido-
lolatricæ & criminibus, quibus hætenus operati e-
rant, per seriam de commissis pœnitentiam planè re-
nuncient, & in posterum ita credant & ita vivant,
quemadmodum juxta beneplacitum & ordinem di-

vinum

vinum credere & vivere eos, qui à Deo in gratiam recepti, & in filios adoptati sunt, ut hereditatem coelestem consequantur, oportet. Hoc Deus per Ecclesiam & os suorum ministrorum ab illis stipulatur, & illi hoc promittunt. Chrysostomus homiliâ paullo antè laudatâ: *Pœnitentiam agens non amplius eadem attingat negotia, quorum pœnituit: propterea iubemur dicere, Abrenuncio tibi Satana, ne amplius ad ipsum revertamur.* Gregorius Nazianzenus oratione in sanctum Orat. 46 baptisma: *Et compendio dicam, Nihil aliud esse vim & facultatem baptismi existimare debemus, quàm secundæ vitæ ac purioris vivendi rationis pactum cum Deo initum. Ac proinde vel maximo in metu omnes esse, atq; omni custodia nostras animas servare debemus, ne hoc pactum violasse comperiamur.* Ambrosius libro I de sacramentis, cap. II: *Quando te interrogavit presbyter, Abrenuncias diabolo & operibus eius; quid respondisti? Abrenuncio. Abrenuncias seculo & voluptatibus? quid respondisti? Abrenuncio. Memor esto sermonis tui, & numquam tibi excidat series cautionis.* Chrysostomus hom. VI in ep. ad Colossenses: *Postquam diximus, Renunciamus Satana, & coniungimur Tibi Christe; sœdus est & pactum.*

XVII. Isidori Hispalensis hæc sunt verba libro II de officiis ecclesiasticis cap. XXIV: *Due sunt pactiones credentium. Prima pactio est, quâ renunciatur diabolo & pompis eius, & universæ conversationi illius. Se-*

cuncta pactio est, quā se in Patrem, Filium & Spiritum
sanctum credere fatentur. Nempe renunciationem ex-
cipiebat professio fidei, sive symboli, quod Aposto-
licum appellatur. Augustinus de fide & operibus
cap. xi: Baptizandis symbolum tradimus, reddendumq;
reposcimus. Dixerat antea cap. vi: Quid aliud agit totum
tempus, quo catechumenorum locum & nomen tenent, nisi
ut audiant, quæ fides & qualis vita debeat esse Christiani?
Interim fatetur fieri interdum, ubi quemquam fortè di-
es urget extremus, ut ad verba paucissima, quibus tamen
omnia continentur, credat, sacramentumq; percipiat. Di-
cit cap. ix: Etiam quum ad baptizandum temporis urget
angustia, necesse habemus exprimere interrogando, ut ba-
ptizandus ad cuncta respondeat, etiam si ea memoriæ man-
dare non valuit. Absurdos autem reputat, qui ex eo,
quod Eunuchus, quum dixisset, Credo filium Dei esse,
Iesum Christum, baptizatus memoratur, colligant suf-
ficere ut hoc solum homines respondeant & continuo ba-
ptizentur, etiam si nihil de Spiritu sancto, nihil de sanctā
ecclesiā, nihil de remissione peccatorum, nihil de resurre-
ctione mortuorum, postremò de ipso Iesu Christo nihil nisi
quia Filius Dei est; non de incarnatione ejus ex virgine,
de passione, de morte crucis, de sepulturā, de tertij diei re-
surrectione, de adscensione, de sede ad dexteram Patris a-
liiquid profiteantur. Hæc autem fides verbis certis con-
ceptis, retentisq; memoriter de loco eminentiore, in con-
spectu populi fidelis, Romæ reddi solebat ab eis, qui acces-
suri

*furi ad baptismum, sicut memorat libro iix Confessio-
num, cap. ii. Sic etiam Ruffinus Expositione symbo-
li, num. iiii: Mos in ecclesiâ urbis Romæ servatur anti-
quus, eos qui gratiam baptismi susceperunt, publicè,
id est, fidelium populo audiente symbolum reddere. Cy-
prius agnoscit Novatianum eodem symbolo, quo &
Catholicos, baptizare, & in interrogatione bapismi à Ca-
tholicis non discrepare, epist. Lxxvi. Laodicensia sy-
nodus sancit canone xlvi, quòd oportet eos qui illumi-
nantur fidem discere, & quintâ hebdomadis magnæ fe-
riâ episcopo renunciare vel presbyteris. Hieronymus di-
alogo adversus Luciferianos, cap. v: Solenne est in la-
vacro post Trinitatis confessionem interrogare, Credis
sanctam ecclesiam? credis remissionem peccatorum?*

XIIX. Ori salem indi, & sputo nares atq; aures
tangi, quòd etiam hodie apud Pontificios usurpatur,
apud Latinos tantum, ut videtur, obtinuit, quando-
quidem nulla talium à Græcis mentio facta occurrit.
Isidorus de officiis eccles. lib. ii, cap. xx: Sales in my-
sterio catechumenis dandos à Patribus ideo est institutum,
ut eorum gustu condimentum sapientiæ percipiant. Am-
brosius, si tamen is ipse est, libro i de sacramentis,
cap. i: Ideo tibi sacerdos aures tetigit, ut aperirentur au-
res tuæ ad sermonem & ad eloquium sacerdotis: --- ideo
nares, ut bonum odorem accipias pietatis æternæ. Quod
autem idem de iisdem libro iii, cap. ii dicit, Quando
dedisti nomen tuum, tulit lutum & linivit super oculos

tuos; non de ritu qui à presbytero adhiberetur, sed de Christo intrinsecè & spiritualiter oculos aperiente accipiendum videtur.

XIX. Impositio manuum ritus erat precibus addisolutus. Imponebantur enim, atque adeo hodie etiam imponuntur illis, quibus aliquid singulare à Deo impetrandum. In baptismo igitur id ipsum frequentari consentaneum. Idem dicendum de signo crucis. Augustinus Tractatu cxiix in Iohannem: *Signum Christi nisi adhibeatur sive frontibus credentium, sive ipsi aquæ quâ regenerantur, sive oleo quo christumate unguuntur, sive sacrificio quo aluntur; nihil eorum rite perficitur.*

XX. Unctio sive chrisma itidem adhibebatur. Tertullianus de resurrectione carnis cap. nx: *Caro abluitur, ut anima emaculetur; caro unguitur, ut anima consecretur.* Theophilus Antiochenus libro primo adversus Autolyicum: *Nos propterea Christiani vocamur, ὅτι χρισόμεθα ἑλεον θεῶν, quoniam unguimur oleo Dei.* Cyrillus Ierosolymitatus catechesi mystagogicâ secundâ: *Statim ut ingressi estis, vestem exuistis. — O rem admirandam! nudi fuistis in conspectu omnium, & non vos pudebat. — Deinde jam exuti exorcizato oleo uncti estis à summis capillis ad ima. — Postea deducebimini ad sanctum divini baptismi lavacrum. Atque tunc unusquisque interrogabatur, an crederet in nomen Patris, & Filii, & Spiritus sancti: & confessi estis salutarem confessionem.*

sessionem: & merſi ter in aquâ rursus emerſiſtis. Cate-
cheſi ſequentē: Vobis, poſtquam ex aquis ſacri la-
uacri aſcendiſtis, datum eſt chriſma: — quo frons & alii ſex ſus
corporis tui ſymbolicè inunguntur. — Ac primùm quidem
fronti illinitur. — Deinde verò aures unguuntur: —
poſtea nares: — cum verò & pectus inungitur, ut induti
thoracem juſtitie fortiter ad verſus inſultus diaboli conſi-
ſtatis. Talis tempore Cyrilli, quod in quartum ſecu-
lum incidit, & ante & poſt baptiſmum in Ieroſolymi-
tanâ Eccleſiâ adhibebatur unctio. Chryſoſtomus ho-
miliâ vi in ep. ad Coloſſenſes: Antequam aſcendat &
la-uacra, adeo facile exiit veterem hominem, atq; veſti-
menta. Inungitur more athletarum, qui ſtadium iam in-
greſſuri ſunt. Ambroſius De ſacramentis libro i, c. ii:
Unctus eſt quaſi athleta Chriſti, quaſi luctamen ſeculi hu-
ius luctaturus. Auguſtinus tractatu xxxiii in Iohan-
nem: Chriſma græcè, latinè unctio nuncupatur. Ideo au-
tem Chriſtus nos unxit, quia luctatores contra diabolum
fecit. Libro xv de Trinitate, cap. xxvi: Donum gratiæ
viſibili ſignificatur unguento, quo baptizatos ungit Eccle-
ſia. Iſidorus de officiis eccleſiaſticis libro ii, c. xxv:
Quia genus regale & ſacerdotium ſumus, ideo poſt la-
uacrum unguimur, ut Chriſti nomine cenſeamur. Nempe un-
ctio ſymbolum eſt & ſignum non modò ſpiritualis
luctatoris, ſed etiam regis & ſacerdotis. Baptizatos
enim & fideles facit Chriſtus reges & ſacerdotes Deo
& Patri ſuo, Apoc. i, 6; ad offerendum ſpirituales hoſtias,

I Pet.

1 Pet. 11, 5. Hinc Hieronymus baptismum vocat *sacer-*
dotium laici, Dialogo adversus Luciferianos c. 11.

XXI. Dices fortè, quum oleum sit materis ma-
gis preciosa, quàm est aqua, & proinde etiam unctio
sit actio prout in sensus incurrit, magis speciosa, quàm
lotio; nonne per unctionem ab Ecclesiâ superaddi-
tam quasi obnubilatum fuit id, quod Christus insti-
tuit, & est de essentiâ baptismi, ut rudiores in errorem
induci potuerint, quasi tantundem aut plus etiam si-
tum esset in unctione, quàm in lotione. Respondeo:
Vt de institutione, quâ erudiri potuerunt & debue-
runt, nihil dicam, ipsa actio tingendi in antiquâ Ec-
clesiâ ordinariè & citra casum necessitatis, quæ tunc
in oculos incurrebat ita peragebatur, ut eos ad se fa-
cilè converteret, & insignis ac præcipua appareret.
Exuebant enim baptizandi vestimenta: nudi in lacu
sive fontem eo fine constructum descendebant,
ibi toti aquis mergebantur, & quidem ter mergeban-
tur, & ter emergebant, & tandem è lacu adscende-
bant. Sic Servator ipse baptizatus in Iordane *adscen-*
dit ex aquâ, Matth. 11, 16; & Iohannes itidem *adscen-*
dit, Marci 1, 10. Philippus & Eunuchus *ambo descen-*
derunt in aquam: & hunc ille baptizavit: *quum autem*
adscendissent ex aquâ, Spiritus Domini rapuit Philip-
pum, Actor. 11, 38. Hoc ipsum mergi & emergere
trahit sanctus Paulus ad similitudinem mortis Chri-
sti; & dicit fideles Christo *consepultos per baptismum*,

Col.

Col. ii, 12: & quotquot baptizati sumus, in mortem eius esse baptizatos. Consepulti igitur, inquit, sumus ei per baptismum in mortem; ut sicut suscitatus est Christus ex mortuis in gloriam Patris, ita & nos in novitate vite ambulemus, Rom. vi, 3 & 4. Tertullianus De corō. militis cap. iii: Ter mergimur. Adversus Praxeant cap. xxvi: Non semel, sed ter ad singula nomina in personis singulas tingimur. Hieronymus Dialogo adversus Luciferianos, cap. iv: In lavacro ter caput mergitur, id per traditionem in ecclesiis observatur. Cyrillus catechesi mystagogicā secundā: καὶ ἐδυετέ τὸ τοῦ αἵματος, καὶ πάλιν ἀνεδυετέ. Ter immersi in aquam rursus emeristis. Sed ex illā catechesi paullō antē, quæ huc faciant, producta sunt. Chrysostomus homiliā xxiv in Iohannem: In aquā tamquam in sepulcro caput immergentibus vetus homo sepelitur; emergentibus novus resurgit inde. Ambrosius libro ii de sacramentis, cap. vii: Interrogatus es, Credis in Deum Patrem omnipotentem? Dixisti, Credo; & mergisti, hoc est, sepultus es. Iterum rogatus es, Credis in Dominum nostrum Iesum Christum, & in crucem eius: Dixisti Credo; & mergisti: & ideo Christo es consepultus. Qui enim Christo consepelitur, cum Christo resurget. Tertiō interrogatus es, Credis in Spiritum sanctum? Dixisti, Credo; & tertiō mergisti. Haut paullō aliter hęc res proponitur, quā sc habet, & alibi memoratur. Cæterū libros illos non esse genuinos suspicio est ratione munita. Interim ex

E

cis

eis ad eundem modum recitat Ivo Carnotensis ser-
mone de sacramentis neophytorum, nisi quod pro
merxisti ponit, *mersus es*. Thomas VValdensis inde
colligit, quod *Ambrosiana ecclesia commiscuerit articu-
los Symboli cum immersionibus singulatim*, Tom. III. cap.
LI, num. XIX. Quod tamen nobis non fit yerosimile.

XXII. Quum autem passim in usu esset trina
mersio, in Hispaniâ tamen tempore Gregorii magi
usurpata fuit unica. Hinc enim ille ad Leandrum e-
piscopum, cui aliàs expositionem suam moralem in
Epist. 41. Iobum inscripserat: *Quia in tribus personis una substan-
tia est, reprehensibile esse nullatenus potest, infantem in
baptismo vel ter vel semel immergere, quando & in tri-
bus mersionibus personarum trinitas, & in unâ potest di-
vinitatis singularitas designari. Sed quia nunc huc usq; ab
hæreticis infans in baptismo tertio mergebatur, prout
apud nos esse non cenſeo; ne, dum mersiones nume-
rant, divinitatem dividant; dumq; quod faciebant ſui-
unt, se morem nostrum vicisse glorientur. Videntur hæ-
retici diversas mersiones tamquam indicium diver-
ſarum naturarum, quæ personis inessent, accepisse.
Ad hoc igitur elidendum, & ne viderentur catholici
hæreticorum consuetudinem suâ prætulisse, maxime
Gregorius unicam usurpari. Nescio tamen quam be-
ne ei convenire possit cum suo decessore Pelagio, qui
in hunc modum rescripsit: *Multi sunt qui in nomine
solummodo Christi unâ etiam mersione se afferunt bap-
tizare.**

zare. Evangelicum verò præceptum, ipso Deo & domi-
no salvatore Iesu Christo tradente, nos admonet in nomi-
ne Trinitatis trinâ etiam mersione sanctum baptisma u-
nicuiq. tribuere. Legitur apud Ivonem parte primâ,
cap. xcix; & Gratianum de consecratione dist. iv, cap.
xxc. Post aliquot annos habita fuit synodus, quæ Anno 691
Toletana quarta solet appellari: cujus Patres canone
quinto eam rem tractant hisce verbis: *De baptis-
mi sacramento, propter quod in Hispaniis quidam sacerdotes
trinam, quidam simplam mersionem faciunt, à nonnullis
schisma esse conspicitur, & unitas fidei scindi videtur.
Nam dum partes diverso & quasi contrariomodo agunt,
alii alios non baptizatos esse contendunt. Deinde sen-
tentiam Gregorii magni subjungunt, laudant & se-
quendam statuunt, subjiciuntque: Propter vitandum
schismatis scandalum, vel hæretici dogmatis usum, simplam
teneamus baptismi mersionem, ne videantur apud nos, qui
tertiò mergunt, hæreticorum approbare assertionem, dum
sequuntur & morem.*

XXIII Porro nisi metus periculi incumberet;
visum fuit tempus Quadragesimæ catechesi & præ-
parandis Competentibus in primis aptum: & magnū
sabbatum, quod est pridie Paschæ, administrationi
baptismi. Tertullianus de Baptismo cap. xix: *Diem
baptismo solenniore Pascha præstat, quam & passio Do-
mini, in quâ tingimur, adimpleta est. — Exinde Pente-
coste adornandis lacris latissimum spaciū est. — Cæ-*

In cap. 4
ad Ephes.

terum omnis dies Domini est, omnia hora, omne tempus la-
bile baptismo: si de solennitate interest, de gratia nihil
refert. Commentarius in epistolas Paulinas operi-
bus Ambrosii insertus: Non quocumq, die credentes tin-
guntur, nisi aegri. Cyrillus Ierosolymitanus cateche-
si eorum, qui illuminantur ultimae: De tradita vobis
ad proficendum sanctâ & Apostolicâ fide quantum ca-
techesis capere potuit, per Dei gratiam diximus prateri-
tis hisce quadragesimæ diebus. Instante autem deinceps
sancto die Paschæ, & vestrâ per lavacrum regeneratio-
ne, docebimus rursus, Deo volente, ea quæ conveniunt.
Hieronymus ad Pammachium adversus Iohannem
Ierosolymitanum scribens memorat, se, qui Bethle-
hem in monasterio viverent, circa dies Pentecostes,
quadraginta diversæ ætatis & sexus, presbyteris Iohan-
nis, sive à Iohanne ordinatis, ejusque obsequio adhi-
citis, baptizandos obtulisse. De Iohanne autem con-
questus, sermone ad ipsum directo, Tu, inquit, præ-
cepisti in Bethlehem presbyteris tuis, ne Competentibus
nostri in Pascha baptismum traderent: quos nōs Diostolus
ad confessorum & Episcopum Dionysium misimus ba-
ptizandos. Siricius qui seculo quarto ad finem vergen-
te Romanus fuit episcopus, quoddam cōtra necessitatem
aliis temporibus baptismus administraretur Roma-
chatus, improbabilem vocat confusionem, & emendan-
dam. Verba nonnulla ex epistolâ ad Himerium ep-
iscopum Tarraconensem, quæ in veterum canonum

Roma-

Romanæ ecclesiæ codice inter Pontificias decretales, quas vocant, prima occurrit, apponemus. Non ratione, inquit, auctoritatis alicujus, sed solâ temeritate præsumitur, ut passim ac liberè Natalitiis Christi, seu apparitionis vel Epiphaniarum, nec non & Apostolorum seu Martyrum festiuitatibus innumera plebes baptismi mysterium consequantur, quum hoc sibi privilegium & apud nos & apud omnes Ecclesias dominicum specialiter cum Pentecoste suâ Pascha defendat, quibus solis per annum diebus ad fidem confluentibus generalia baptismatis tradicondunt sacramenta. His duntaxat electis qui ante quadraginta, veteo amplius, dies nomen dederint, & exorcismus, quotidianisq; orationibus, atq; jeuniis fuerint expiati, quatenus Apostolica illa impleatur præceptio, ut expurgato fermento veteri nova incipiat esse conspersio. Sicut ergo paschalem reverentiam in nullo dicimus esse minuendam, ita infantibus, qui necdum loqui poterunt per ætatem, vel his, quibus in qualibet necessitate opus fuerit sacri unda baptismatis, omni volumus celeritate succurri: ne ad nostrarum perniciem tendat animarum, si negato desiderantibus fonte salutari, exiens unusquisq; de seculo & regnum perdat & vitam.

XXIV. Leo, qui post paullo plures quàm XL annos Siricio successit, sententiam ejus sequitur & repetit epistolâ ad Episcopos Siciliæ; atque itidem *Epist. 4.* addit: Ita ad has duas festiuitates connexas atq; sibimet cognatas incolumium & in pacis securitate degentium li-

bera vota differimus, ut in mortis periculo, in obsidione
 discrimine, in persecutionis angustiis, in timore naufragij,
 nullo tempore hoc vera salutis singulare remedium
 cuiquam denegemus. Eiusdem argumenti alia quoque
 est epistola, quæ numeratur xxc, universis Episcopis
 per Campaniam, Samnium & Picenum constitutis in-
 scripta. Intercedit ab obitu Leonis tempus quinquaginta
 circiter annorum, & habitum est in Hispaniâ
 concilium Gerundense, cujus canones iv & v præ-
 sens negotium concernunt, atque ita habent: De
 catechumenis baptizandis id statutum est, ut in Pascha
 solennitate vel Pentecostes, quanto maioris celebritatis
 major celebritas est, tanto magis ad baptizandum veniant:
 cæteris solennitatibus infirmi tantummodo debeant ba-
 ptizari, quibus quocumque tempore convenit baptismum
 non negari. De parvulis verò, qui nuper materno utero
 editi sunt, placuit constitui, ut si infirmi fuerint, & lac
 maternum non appetant, etiam eadem die quâ nati sunt,
 si oblati fuerint, baptizentur. Pascha igitur & Pen-
 tecoste olim solennia baptismo destinata tempora.
 Quoniam autem à Pentecoste usque ad Pascha lon-
 gius temporis intervallum, quàm à Pascha usque Pen-
 tecosten; atque adeo plures aut nascerentur, aut et-
 iam animum suscipiendi Christianismi induerent in
 illo, quam in isto; & quoniam Pascha memoriam
 mortis & resurrectionis Dominicæ, in cuius simili-
 tudinem baptizamur, & à quâ efficaciam trahit ba-
 ptismus,

puismus, innovat; & præcedit Quadragesima jeju-
 nijs & pœnitentiæ aliàs destinata: inde factum, ut
 plures in vigiliâ Paschæ quàm Pentecostes baptiza-
 rentur; & baptisus Paschæ celebrior & sollemnior
 esset quàm Pentecostes. Leo primus epistolâ ante *Epist. 4.*
 productâ: *Regenerandus filius hominum, & in Dei filios*
adoptandus ille dies & illud tempus est electum, in quo per
similitudinem formamq; mysterij quæ geruntur in mem-
bris, his quæ in ipso capite sunt gesta, congruerent: dum
in baptismatis regulâ & mors intervenit interfectione
peccati, & sepulturam triduanam imitatur trina demer-
sio, & ab aquis elevatio resurgentis ad instar est de se-
pulcro. Ipsa igitur operis qualitas docet celebrandæ ge-
neraliter gratiæ, sive baptismi sollemniter pluribus
conferendi, eum esse legitimum diem, in quo orta est vir-
tus muneris & species actionis. Notat Socrates in *Theb.* *Lib. 5.*
saliâ consuetudinem fuisse, ut diebus festis Paschæ, ne- *cap. 21.*
glectâ videlicet Pentecoste, duntaxat baptizarent.
Ob quam causam, inquit, omnes, paucis admodum exce-
ptis, absq; baptismo moriuntur. Mirum est, imò
 damnandum, pravi consuetudinis tantam vim fu-
 ille. Consuetudo verò illa altera, aliàs passim rece-
 pta non observata fuit circa Burgundiones, qui, si-
 cut idem narrat Socrates, quum imperante Theodo- *Lib. 7.*
 sio juniore, *communi consensu ad credendum in Christum* *cap. 30.*
se contulissent, ad civitatem quamdam Gallia profecti
postulant ab episcopo, ut Christianorum baptismo donen-
tur.

tur. Is quum illis septem dies præscripsisset ad jejundan-
dum & infide eos erudivisset, octavo die baptismi la-
cro, iunxit, & cum pace dimisit. A consuetudine vero
Thessalicâ non abludit eorum consuetudo, qui nul-
lum infatam, nisi in templum & publicum coetum
deferatur, baptizare volunt. Rectè autem eximius
vir Isaacus Casaubonus Exercitatione ad annales
Baronij num. LII: *Va illis, qui in administratione sacri
lavacri, obtentu nescio cujus disciplina, moribundis in-
fantibus officium suum negant. Inter articulos sancti
Pertheneses, propter quos tanti in Scotia tumultus
excitati, unus fuit de baptismo quovis loco & tempore,
quando necessitas postulat, administrando.*

XXV. Sed nos ad priora regredimur. Tem-
poribus Caroli Magni ejusq; filij Ludovici Pij con-
suetudo statò Paschæ & Pentecostes tempore bap-
tizandi adhuc obtinebat. Capitulare eorum libro v,
cap. civ. *Ut baptismus non fiat nisi statis temporibus,
id est, Paschæ & Pentecoste, nisi infirmitas interces-
serit.* Libro vi, cap. CLXXIIX: *Ut baptizare nullos
presumat nisi per duo tempora, id est, vigiliâ Paschæ
& Pentecostes, nisi immineat mortis periculum.* Et mox
cap. CLXXXV: *Placuit ut populus ad baptismum eorum
infantes non offerat, nisi duobus temporibus, si infirmi-
tas non occupaverit.* Eodem facit Additio secun-
da Ludovici, cap. II. Rarefcente autem post illa
tempora baptismo adultorum, & crebrescente ba-
ptismo

primum infantum hæc sive lex sive consuetudo mutavit, & paulatim abolita est. Hanc malè Rupertus Tuitiensis libro de divinis officiis quarto, cap. xlii: Cuncta penè Ecclesiæ proles, quam per annum verbo prædicationis novam gignere poterat, instante solennitate Paschali sua nomina dabat. — At postquam Christianitas crevit, & sagena illa verbi Dei piscibus impleta est, quia periculosum erat tantam multitudinem differre propter occasiones mortis, quæ in multitudine hominum multe sunt, maxime propter turbam infantum ex Christianis parentibus succrescentium, quorum tenera vita persæpe levi occasione succiditur: visum est sanctæ Ecclesiæ passim indulgentiâ baptizandi concessâ, imò oblata, cuncta anteverire pericula. Etiam si mos dudum defierit, manet tamen apud Pontificios benedictio fontis vigiliâ Paschæ & Pentecostes institui solita, & preces ex antiquo more derivatæ. Omnipotens sempiternus Deus, adesto magnis pietatis tue mysteriis, adesto sacramentis, & ad recreandos populos, quos tibi fons baptismatis parturit, spiritum adoptionis emitte. Item: Ut lateatur mater sancta tota nunc Ecclesia ex profectu renascentis tantæ multitudinis. Huiusmodi preces & cantica rei olim conveniebant.

XXVI. De adepto baptismum in hunc modum loquitur Gregorius Nazianzenus in fine Orationis xi: Statio hæc, quâ confestim à baptismo ante magnum sacrarium, αὐτὸ τὸ μέγαλιν βήματ' & stabis, celestis

F

vita

vita gloriam præsignat. Psalmorum cantus, quo exsuperis, futura ibi hymnodia præmium est. Lampades, quas accendes, significant illam luminum manifestationem, cum quæ splendida & virgines animæ splendidis fidei lampadibus Christo sponso obviam prodibimus.

XXVII. Certè qui baptizatus erat, ceteris fidelium mox jungebatur, & unà cum eis sanctæ Eucharistiæ particeps reddebatur, ut ex Apologia Iuliani martyris, quæ posterior ponitur, constat. Christianis ille mentionem non facit, quod deinde accersit Cyrillus catechesi mystagogica tertia. *ὁμοῦ ἀναβ-
θηκόσιν ἀπὸ τῆς κολλυμβήθρας τῷ ἱερουργματὶ ἐ-
δόθη χρίσμα.* Vobis postquam ex alveo sacri lavacri ad-
scendistis, datum est chrisma. De quo alibi tractatur. Catechesi sequente agit de Eucharistiâ, ad cujus com-
munionem baptizatus & unctus, quin etiam in signum
mutuæ caritatis osculo exceptus, admittebatur. De-
xerat catechesi τῷ φωτισμῶν ultimâ, se congruo
tempore ostensurum, *μετ' ὅσας ἐνλαβείας ἡ τα-
ως χρὶ ἀπὸ τῷ βαπτισματὶ πρὸς τὸ ἅγιον ἔ-
στιν ἀποσταλάσκει διδασκαλίαν, τῷ αὐτῷ πνεύματι
καὶ ἐπεραινῶν ἀπολαβεῖν μυστήριον.* quænti tam
reverentiâ & ordine oporteat à baptismo ad sanctum
Dei altare accedere, & hæc, quæ ibi sunt, spiritualia &
caelestia mysteria accipere. Cyprianus epistola LXIII,
num. v: Per baptismum Spiritus sanctus accipitur: & sic
à bap-
ti-

à baptizatis & spiritum sanctum consequutis ad bibendum calicem Domini pervenitur. Hieronymus libro tertio contra Pelagianos, cap. v: *De baptismatis fonte surgentes & regenerati — statim in primâ communionem corporis Christi dicunt; Et dimitte nobis debita nostra.* Dionysius qui Areopagita vulgò appellatur, libro de Ecclesiasticâ hierarchiâ, cap. iii. *Εν τέλει πάντων ὁ ἱεράρχης Πρὶν τὴν ἱερῶτάτην εὐχαριστίαν καλεῖ τὸν τετελεσµένον, καὶ τῷ τελεστικῶν µυστηρίων αὐτῷ µεταδίδωσι κοινωνίας.* Peraelis omnibus Pontifex initiatum ad sanctissimam Eucharistiam vocat, & perfectissimorum mysteriorum participem facit. Interim catechumenis alicubi dabatur panis quidam benedictus, tamquam Eucharistiæ vicarius; de quo Augustinus libro ii de peccatorum meritis & remissione, cap. xxvi: *Quod accipiunt catechumeni, quamvis non sit corpus Christi, sanctum est tamen, & sanctius quàm cibi, quibus alimur.*

XXIIX. Nec adultis solis, sed etiam puerulis & infantibus data Eucharistia. Nam his quoque necessariam eam esse pluribus locis scribit Augustinus: & sicut contra Iulianum libro primo, cap. secundo testatur, Innocentius primus eo nomine Romanus episcopus parvos definiuit, nisi manduca verint carnem filii hominis, vitam prorsus habere non posse. Albinus Alcuinus Flaccus, qui Caroli magni præceptor fuisse

creditur, suo de divinis officiis libro: *Hoc providendum est, ut infantes baptizati nullum cibum accipiant, neq. lactentur, antequam communicent.* Mos ille apud Græcos hodie quoque observatur: quin etiam alter, quod non adspargunt, sed immergunt. Ieremias Patriarcha Constantinopolitanus Responso ad Tubingenses secundo, titulo De sacramentis: *Vtimur tribus immersionibus, non trinâ infusione.* Baptizabant enim veteres non manibus suis aquam baptizandis adspergentes, hoc Evangelii sequentes; *Adscendit ex aquâ. Ergo antè descenderat. Ecce immersio, non adpersio.*

XXIX. Mosci à Græcis ante annos propemodum septingentos Christianam religionem acceperunt. Quomodo baptizent è commentario rerum Moscoviticarum, quem superiore seculo edidit Sigismundus Baro Herbersteinus subjungemus. *Baptizatur, inquit, hoc modo. Nato infante, mox accersitus sacerdos ante januam habitationis, in quâ est puerpera, certas stando recitat orationes, pueroq. nomen imponit. Dein x. communiter die, nisi fortè puer ægrotet, deferatur, & baptizatur, ac ter in aquam totus immergitur: alioqui baptizatum non crederent. Mox inungitur chrismate, quod consecratum est in hebdomadâ magnâ. Inungitur deniq. myrrhâ, ut ipsi dicunt. Aqua verò baptismatis singulis infantibus consecratur, & continuo post baptismum extra templi portam effunditur. Semper in templo baptizantur infantes, nisi longinquitas loci nimis,*

aut frigus puero obesset: neq. unquam aquâ tepidâ, nisi
pueris infirmis, utuntur. Susceptores ex voluntate paren-
tium assumuntur, & quoties præcunte certis verbis sacer-
dote, diabolo renunciant, toties in terram exspuunt. Sa-
cerdos etiam infanti capillos abscindit, eosq. cere etiam
intricat, & in templo loco certo reponit. Non adhibent
salem, neq. salivam cum pulvere. Salem tamen adhi-
beri, & baptismum non ita, ut Herbersteinus memo-
rat, differri scribit Adamus Olearius, qui Itinerarium pag. 131.
Orientale, accuratè confectum germanicâ linguâ nup-
per edidit; & ante eum Petrus Patreus Chronici Mo-
scovitici itidem germanicè scripti parte sextâ.

XXIX. De Æthiopibus autem Abyssinis testa-
tur Franciscus Alvarez, inter eos sexennium versatus,
puellos ab ipsis non baptizari ante diem quadragesi-
mum, nec puellas ante sexagesimum. Octogesimum
dicit apud Damianum Goes Zaga Zabo, qui ante se-
culum & quod excurrit, ex Æthiopiâ in Lusitaniam
legatus venit. Nicolaus Godignus De eorum rebus
libro 1, cap. xxix: *Adeo pertinaci consuetudine certum*
baptizandis infantibus tempus designatum est, ut ne mori-
entes quidem ante illud expient baptismo. Et rem con-
firmat eorum testimonio, quibus per experientiam
cognita. Zaga Zabo emollit & addit: *Nisi aliqua*
interveniat aggritudo, ut opus sit festinatione. Sed hunc
plurima commentum fuisse, affirmat lib. 1, cap. 1, Go-
dignus. Alvarezius & Zaga Zabo addunt mox à ba-
ptismo

ptisino Eucharistiæ etiam participes fieri. *Consecutus*
Ordo baptismi secundum usum Æthiopum Liturgicis,
quæ in Bibliothecâ Patrum habentur, immixtus;
nescio tamen an satis certæ auctoritatis. Iuxta eum
etiam coronæ ex myrto & palinâ capitibus baptizato-
rum imponuntur: quod alibi legere non memini, ni-
si forte in Severi Alexandrini de baptismi ritibus li-
bello, ubi habetur: *Elevant baptizatos ad altare, et of-
ferunt mysteria*, nempe Eucharistiâ; & fertis coronat eos
sacerdos. Iuxta Ordinem Æthiopicum diaconus dat
eis lac & mel. Notum autem est illud Tertulliani De
coronâ militis, cap. iii: *Ter mergit anur: inde lactis &
mellis concordiam prægustamus*. Et libro primo adver-
sus Marcionem cap. xiv memorat mellis & lactis soci-
etatem, quâ suos infantet, quasi modò genitos infantes
tractet, *Creator*. Hieronymus melli substituit vinum
in Iesaiâ cap. lv, ad verba, *Venite, emite absq; argento
vinum & lac*. *Lac*, inquit, *significat innocentiam par-
vulorum*. *Qui mos ac typus in Occidentis ecclesiis hodie
usq; servatur, ut renatis in Christo vinum lacq; tribuatur*.
Nescio num sit hallucinatio Hieronymi, an error li-
brariorum. Nam vinum alibi non memoratur. Co-
dex canonum Ecclesiæ Africanæ in canone xxxvii,
qui ex Carthaginienſi concilio, quod tertium diei
solet, depromptus: *Mel & lac uno die solemnissimo in in-
fantum mysterio solet offerri*. Et additur quod in altari
offerantur, id est, in altari, ex eo in usum modò dicto,
promen-

promenda, collocentur. Quod enim in sacrâ mensâ ad usus sacros adhibendum ponebatur, offerri dicebatur. Sed iste mos prorsus exolevit.

XXXI. De lampade à baptizatis accensâ sive illis traditâ paullò antè ex Nazianzeno audivimus. Cereum fuisse verosimile est: lampas generali vocabulo dicitur, quia *λάμπει* sive lucet. Qui mos tradendi & ferendi cerei diu perseveravit. Ivo Carnotensis sermone de sacramentis (nempe omnes sacri ritus sacramenta olim appellabantur) neophytorum: *Ad ultimum datur cereus accensus in manus baptizati, quatenus implere doceatur illud Evangelij; Sic luceat lux* *Matth. 5.*
vestra coram hominibus, ut videant opera vestra bona & 16.
glorificent Patrem vestrum, qui in cælis est. Quod si perseveranter fecerit, non cum fatuis virginibus, extinctâ lampade, à januâ sponsi repellatur, sed cum prudentibus glorificandus colligetur.

XXXII. Morem abluendi pedes post susceptum baptismum in ecclesiâ Mediolanensi fuisse opinio est. Nam librorum De sacramentis, qui Ambrosio tribui solent, tertio, cap. primo leguntur quæ subjiçio: *Adscendisti de fonte. Quid sequitur tui est? Audisti lectionem. Succinctus est sacerdos. Licet enim & presbyteri fecerint, tamen exordium ministerii à summo est sacerdos, hoc est, episcopo. Succinctus, inquam, summus sacerdos pedes tibi lavit.*—Non ignoramus, quòd ecclesiâ Romana hanc consuetudinem non habeat, cuius typum

pum in omnibus sequimur & formam. Hanc tamen consuetudinem non habet, ut pedes lavet. Vnde ergo, ne forte propter multitudinem eorum, qui ibi baptizantur, declinavit. Addit, non tantum humanitatis officium esse, sed etiam sanctificationis, sive ad sanctificationem facere. Denique: Quia Adam supplantatus à diabolo est & venenum effusum est supra pedes, ut in eâ parte, in quâ insidiatus est serpens, maius subsidium sanctificationis accedat, quò postea te supplantare non possit: lavas ergo pedes ut lavas venena serpentis. Et De iis qui mysteriis initiantur, cap. vi: Mundus erat Petrus, sed plantam lavare debebat. Habebat enim primi hominis de successione peccatum, quando eum supplantavit serpens, & persuasit errorem. Ideo planta eius abluitur, ut hereditaria peccata tollantur. Nostra enim propria per baptismum relaxantur. Rectè Iohannes Maldonatus ad Iohan. xiii, 7: Hoc cum Theologiâ & Ecclesiæ doctrinâ non convenit, & cauto lectore & benevolo indiget interprete. Ipse autem interpretatione violentâ & à verbis alienâ in alium sensum torquere conatur. Nobis potius ista indicio & argumento sunt, librum De iis, qui mysteriis initiantur, & alios sex De sacramentis non esse foetus Ambrosii genuinos. Concilium Elibertinum oppidò antiquum, & post initia quarti seculi in Hispaniâ (quamvis de loco vero hodie ambigitur) habitum prohibet pedes baptizatorum lavari à sacerdotibus vel clericis, can. xliix. Alicubi igitur usurpationi fuisse

fuisse apparet. De quo Augustinus epistolâ cxix, cap. xix: Ne ad ipsum sacramentum baptismi videretur pertinere, multi hoc in consuetudinem recipere noluerunt. Nonnulli etiam de consuetudine auferre non dubitauerunt. Aliqui autem, ut hoc sacratiore tempore commendaretur, & à baptismi sacramento mutaretur siue distingueretur, vel diem tertiam octavarum post susceptum baptismum, vel etiam ipsum octavum, ut hoc facerent, elegerunt. Alia verò fuit lotio, & baptismum antegressa, non subsequuta est, de quâ idem Augustinus epistolâ cxix, cap. vii: Si quæris, cur etiam lavandi mor-
tus sit; nihil mihi hac de re cogitanti probabilius occurrat, nisi quia baptizandorum corpora per observationem Quadragesimæ sordidata cum offensione sensus ad fontem tractarentur, nisi aliquâ die lavarentur. Istum autem diem potius ad hoc electum, quo Cæna Dominica anniversariè celebratur. Et quia concessum est hoc baptismum suscepturis, multi cum bis lavare voluerunt.

XXXIII. Vestis candida baptizato prius etiam, quàm cereus, dabatur. Liber De iis, qui mysteriis initiantur cap. vii: Accepisti post hæc vestimenta candida, ut esset indicium, quòd exueris involucrum peccatorum, indueris innocentie castæ velamina. Chrysostomus in psalmum cxix: Habete tunicam mundam, sicut accepistis de baptismo. Nullus eam maculet moribus suis, nullus pravitate cordis scindat tantam pulcritudinem. Talem accepistis vestem in baptismo, qualem habuerunt

G

ange.

angeli, qui servabant Dominum in sepulcro: sicut nix ica-
erat vestis eorum. Similiter Cyrillus Ierosolymitanus
catechesi mystagogicâ quartâ: *Exutus vestibim anti-
quis & indutus albis secundum spiritum albis perpetuò iam
albus incedere debes. Non hoc ideo dicimus, quòd te sem-
per albis vestimentis indui oporteat, sed quòd verè albis &
splendidis & spiritualibus necesse sit amiciri.* *Socrus*
*libro VII, cap. XVII memorat, quòd Paulus Nicae-
norum episcopus Iudæo veteratori, baptismum pe-
tenti emerit ἐοῦντα λαμπρὸν, vestem splendidam (vi-
detur pauperibus ex arario ecclesiastico comparatam
fuisse) & iusserit τὸν κολυβήτην & βαπτιστὴν
πληρῶσαι, alveum baptisterii aquâ impleri.* Venantius
Fortunatus libro tertio Poëmatum, hymno de resur-
rectione Domini, qui Lactantio aliquando tribueba-
tur: *Candidus egreditur nitidis exercitus undis,*

Atq; vetus vitium purgat in amne novo.

Fulgentes animas vestis quoq; candida signat,

Et grege de niveo gaudia pastor habet.

Et libro quarto carmine de Iudæis aliquamultis
baptizatis:

Excepit populus populum, plebs altera plebem:

Germine qui non est, sit sibi fonte parens.

Vndiq; rapta manu lux cerca provocat astra,

Credas ut stellas ire, trahendo comas.

Lacteus hinc vestis color est, hinc lampade fulgor

Ducitur, & variolumine picta dies.

XXXIV. Candidas istas vestes, quas sabbato sancto, quo baptizabantur, induerant, per octo dies gerebant, & quum ita vestiti quotidie sacris interfuisent, altero demum sabbato deponebant. *Octo dies neophytorum* vocat Augustinus epistolâ cxix, cap. xvii: & indignatur eo superstitionis nonnullos esse prolapso, *ut gravius corripiatur, qui per octavas suas terram nudo pede tetigerit, quàm qui mentem vinolentiâ sepelierit*, cap. xix. Per illud octiduum *Albati* & in *albis* esse dicebantur. Beda Ecclesiasticæ historiæ gentis Anglorum libro II, cap. xiv: Edvini regis Anglorum filij nonnulli *albati* adhuc rapti sunt de vitâ, *Histor. Franc. l. 2*
 & Eboraci in ecclesiâ sepulti. Gregorius Turonensis de Ingomere Clodovei regis Francorum filio: *Baptizatus puer in ipsis, sicut regeneratus fuerat, albis moritur. Hist. l. 4*
 Aimoinus de Theodoberti filio: *In albis novæ regenerationis adhuc constitutus innocentem exhalavit spiritum.* Subijcimus deniq; verba Albini Alcuini. *De sabbato in Albis.* Hodie Albati, qui in sabbato sancto baptizati fuerant, vestibus albis exuuntur. Albati autem propter vestes albas vulgò appellantur. — A sabbato usq; ad sabbatum portantur albæ vestes, quæ nobis speciem præstant, quales esse debeamus in Novo testamento; & qualia corpora recepturi in octavâ die, (hanc vult esse typum diei novissimæ) in quâ præsentari nos oportet ante Dominum cum ipso pignore, quod accepimus in baptismo. — Nostri baptizati extinctis peccatis præ-

veritis ducuntur quotidie ad Ecclesiam, columnâ cerci
illuminatâ precedente eos. Dominicâ, quæ Oblatum
in Albis excipiebat, dicebatur *Dominica post Albam*.
Ex antiquo hoc ritu descendit, quod Pontifici Ec-
clesia capiti infantis baptizati album integumentum
imponit, & hæc verba sive vota adjungit: *Accipe
vestem candidam, sanctam & immaculatam, quam per-
feras ante tribunal Domini nostri Iesu Christi, ut ha-
beas vitam æternam, & vivas in secula seculorum,
Amen.*

XXXV. Hactenus varij circa baptismum ritus:
quos tamen non necesse est ubique, per universam
Ecclesiam; quam latè per orbem terrarum dispersi
est, eosdem aut fuisse aut semper observatos esse, aut
etiam hodie observari. Ex quo autem adulti &
pauci & rarò baptizari coeperunt, desierunt statim
tempora Paschæ & Pentecostes alijs diebus præferri.
Quod post tempora Caroli magni ejusq; filiorum
evenisse verosimile est. Desiit etiam usus baptiste-
riorum à templis separatorum, & paullatim quoque
immersiones transierunt in adersiones, utpote in-
fantibus magis aptas, præsertim in nostris versus
septentrionem regionibus. Ceremoniæ tamen ple-
ræq; aliæ permanserunt. Quin quomâ multis sæcu-
lis aliæ alijs accederent, in cumulum tandem suis
grandem excreverunt. Hic itaque considerandum
proponimus judicium Augustini, quod protulit sub
finem

finem epistolæ c xix. Omnia, inquit, talia, quæ neg
sanctarum Scripturarum auctoritatibus continentur, nec
in conciliis episcoporum statuta inveniuntur, nec consue-
tudinē universæ Ecclesiæ roborata sunt, sed diversorum
locorum diversis moribus innumerabiliter variantur, ita
ut vix aut omnino numquam inveniri possint causæ, quas
in eis instituendis homines sequuti sunt; ubi facultas tri-
buatur, sine ullâ dubitatione refecanda existimo. Quam-
vis enim neg hoc inveniri possit, quomodo contra fidem
sint; ipsam tamen religionem, quam paucissimis & mani-
festissimis celebrationum sacramentis misericordia Dei
esse liberam voluit, servilibus oneribus premunt, ut tole-
rabilior sit conditio Iudeorum, qui etiam; tempus liber-
tatis non agnoverint, legalibus tamen sarcinis, non hu-
manis præsumptionibus subijciuntur. Ecclesiæ autem
circa ejusmodi cum libertate quadam versantur, &
pollent facultate sibi suisq; sicut ex usu fore vide-
tur, consulendi, ut omnia fiant *εὐαγγελίως καὶ ἡ
τῶν*, 1 Cor. xiv, 40; & ad ædificationem, non ad
destructionem, 11 Cor. xiii, 10. Quum igitur necessa-
ria reformatio apud nos in Occidente successum for-
tiretur & progressum faceret, imminutus est nume-
rus rituum baptismo superadditorum, iiq; tantum
retenti, qui antiquissimi & universalissimi, & opero-
sior agendi ratione simplicem, sed baptismo essen-

spersione, qualis apud septentrionales postremis seculis in usu esse coepit, comparetur, omnino competit. Et hæc ex adversariis & annotationibus venerandi Parentis collecta mereri videbantur, ut hinc à studiosis legerentur.

XXXVI. Nunc quæ reliqua sunt breviter subiiciemus. Adultos, baptismum desiderantes, capita five summam Christianæ fidei doceri, & priusquam baptizentur profiteri oportet, ut etiam ex his, quæ dicta sunt, constat.

XXXVII. Infantes infidelium contra parentum voluntatem non sunt baptizandi; Christianorum verò, juxta generalem Christi regulam Ioh. iii, 5; Matth. xxix, 19; & perpetuam constantemq; veteris Ecclesiæ praxin, nullâ interpositâ morâ, quæ in periculum moriendi sine baptismo conjiciat.

XXXVIII. Si tamen infantes fidelium, baptismum morte ita antevertant, ut conferri humanâ industriâ nequeat, ibi desiderium ac votum parentum, prolem suam pijs precibus Deo commendantium, pro ipso facto imputatum iri existimamus.

XXXIX. Sicut nullibi in S. Scripturâ de iterando baptismo præceptum reperitur, ita iterandum esse negamus. Et hætenus naturalis generatio cum supernaturali convenit, quòd sicut una est generatio carnalis, ita etiam una est spiritalis per sacramen-

mentum regeneratio. Quæ itidem Regeneratio dicitur, quòd generatis tantum conveniat.

XL. Qui post acceptam in baptismo gratiam contra conscientiam peccant, & gratiâ excidunt, redire possunt ad eam interventu seriæ poenitentiae.

XLI. Intentio ministri quatenus ad hunc actum necessaria est, ita ab eo subtrahi non potest.

XLII. Finis aut potius effectus baptismi est remissio peccatorum, regeneratio ac renovatio; & non tantum in signo, sed etiam reapse & cum effectu. Hinc Act. II, 38; *Baptizetur unusquisq; vestrum in remissionem peccatorum: & Act. XXII, 16; Baptizare & ablue peccata tua.* Hinc baptismus appellatur *lavacrum regenerationis & renovationis Spiritus sancti*, sive per Spiritum sanctum factæ, Tit. III, 5. Qui titulus baptismi sicut præ alijs augustus est, ita à summo auctore, nempe à Spiritu sancto per Apostolum loquuto profectus. Synodus Nicæna appellat *πνευματικὸν λουτρὸν*, canone secundo. Adscribemus etiam titulos sive elogia, quæ ei tribuunt veteres alii. Cyrillus Ierosolymitanus Procatechesi: *Μέγα τὸ θεοκείμενον βάπτισμα, αἰχμαλώτοις λύτρωσις ἀμαρτημάτων ἀφεσις θάνατος ἀμαρτίας παλιγγενεσία ψυχῆς ἐνδύμα φωτεινόν σφραγὶς ἀγία*

gnium est hoc quod proponitur baptisma : captivitatē de-
 beratio, peccatorum remissio, mors peccati, animæ rege-
 neratio, vestimentum candidum, signaculum sanctum
 & indelebile, currus ad cælum, delitiæ paradisi, re-
 gni cælestis conciliatio, charimas adoptionis filiorum.
 Basilii magni homiliâ xiii, quæ est Exhor-
 tatio ad baptismum : Baptismus est αἶχμα
 τοῖς λύτρων, ὀφλημάτων ἄφεσις, θάνατος ἀμαρ-
 τίας, παλιγγενεσία, ψυχῆς, ἔνδυμα, φαντασία,
 σφραγὶς ἐνεπιχειρητός, ὄχημα πρὸς ἔραν, βα-
 σιλείας πρὸς ἐξόν, ὑποθείας χάρισμα. capitiolum
 redemptio, debitorum remissio, peccati mors, animæ rege-
 neratio, amictus splendens, signum quod nulla fraude o-
 dultuari potest, vehiculum ad cælum, regni cælestis con-
 ciliatio, adoptionis gratia. Gregorius Nazianzenus
 sub initium orationis xl, quæ est de baptismo : τὸ
 φῶπσμα (sic vocat baptismum) λαμβάνειν
 ψυχῶν. Baptismus, qui illuminatio appellatur, splen-
 dor est animarum, vitæ in melius mutatio, consecratio
 ad Deum interrogatio. Baptismus infirmitatibus nostris
 adjumentum. Baptismus carnis est abjectio, Spiritus
 affectatio, Verbi participatio, figmenti correctio, pec-
 cati diluvium, lucis communicatio, tenebrarum oppres-
 sio. Baptismus vehiculum ad Deum, peregrinatio cum
 Christo, fidei adminiculum, mentis profectio, cælestis

regni clavis, vite commutatio, servitutis depulsio, vincu-
lorum solutio, compositionis in meliorem statum conversio.
Quid plura commemorare attinet? Baptismus omnium
Dei beneficiorum præclarissimus est & præstantissi-
mus. Etenim quedam sancta sanctorum vocantur, &
Cantica canticorum, quod scilicet latius pateant ac plura
complectantur, præcipuamq; dignitatem habeant: eodem
modo baptismus quoq; Illuminatio dicitur, quod omnes alias
illuminationes sanctitate superet. Quemadmodum autem
Christus, hujus dator, multis ac diversis nominibus appel-
latur, ita ipsum quoq; donum varia nomina sortitur: si ve
id nobis ob miram quamdam rei lætitiā accidat, si ve
quod multiplex huius beneficii utilitas multas quoq; appel-
lationes nobis pepererit. Donum vocamus, gratiam, ba-
ptismum, unctionem, illuminationem, incorruptionis in-
dumentum, regenerationis lavacrum, sigillum, ac deniq;
excellētissimo quovis nomine appellamus. Donum dici-
tur quia iis, qui nihil prius contulerunt, datur. Gratia,
quia etiam debentibus. Baptismus quia peccatum in aquā
sepelitur. Unctio, quia sacer & regius. Huiusmodi enim
ea erant, quæ ungebantur. Illuminatio porrò, quia splen-
dor & claritas. Indumentum, quia ignominie nostræ ve-
lamen est. Lavacrum, quia abluit. Sigillum, quia con-
servatio est, ac domini index. Huic gratulantur celi:
hunc angeli propter splendoris cognationem celebrant: hic

dem & hymnis celebrare volumus, verum pro rei dignitate non possumus. Augustinus libro Confessionum nono, cap. ult. vocat *aquam salutis*. Idem primo De peccatorum meritis, cap. xxiv: *Optimè Punici Christiani baptismum ipsum nihil aliud quàm SALUTEM, & sacramentum corporis Christi nihil aliud quàm VITAM vocant.*

*Tom. 2.
græcolæ.
Paris.
pag. 798.*

XLIII. Gregorius Nyssenus oratione in diem luminum, quo baptizatus est Dominus noster: *Βαπτισμα ἐστὶν ἀμαρτιῶν κάθαρσις, ἄφεσις πηχευμάτων, ἀνακαθισμὸς καὶ ἀναγεννήσεως αἰτία.* Baptismus est purgatio peccatorum, remissio delictorum, renovationis & regenerationis causa. Ibidem ex Veteri testamento producit varios baptismi typos: nempe quod Ismaël usus aqua ab Angelo ostensa ad se redierit; quod Eleazar Abrahami servus Rebecca apud aquam deprehenderit; quod Isaac putres foderit, quos obstruerent alienigenæ, ut hærenti baptismum; quod Jacob Raheli apud aquam occurrerit; quod baculis in aquâ positis Lubanis greges ad se transfunderit, sicut per baptismum Deo vindicatur, qui diabolo serviebant; quod Moses aqua impositus; quod Israëlita per mare rubrum transierint, submerso Pharaone; quod Iosua populum per Iordanem in terram promissam deduxerit; quod Elias

super-

superfusâ aquâ sacrificium incenderit : ubi enim sit aqua mystica, ibi esse spiritum vivificum, igneum & ardentem ; quodd Naaman leprosus jussu Elisæi in Iordane laverit & mundatus sit. Sed hæc apud ipsum, qui volet, videre poterit.

XLIV. Vnum adhuc obiter addo, & sic finio. Yucatanenses populi sunt Americani in peninsulâ juxta Novam Hispaniam. De iis subjicio quæ memorat Iohannes de Laet Descriptione novi orbis sive Indiæ occidentalis libro v, cap. xxvi. *Notandum*, inquit, *ab Hispanis narrari, quod in hac solùm provincia baptismi quamdam umbram invenerint, quam indigenæ sub idiomate secundam nativitatem appellarent : quem vix quisquam illorum frustra negligeret, quum se ablutione illâ omnium virtutum seminio imbui & adversus noxiorum demonum dolos atque injurias præmuniri opinarentur. A tertio autem ætatis anno usq; ad duodecimum ut plurimum abluebantur, nec matrimonia contrahabant nisi antè initiati. Diem ad id operiebantur auspiciatum, minimeq; nefastum, parentesq; & triduo antè jejunabant, & à sœminarum consortio abstinebant.* Hæc ibi : quæ arguere videntur populos illos è terris Christianismo imbutis in Americam olim trajecisse ; vel certe Satanam apud homines sibi obnoxios deditionisque sacramentum à Christo institutum per quam-

dam æmulationem exprimere voluisse : quod de
Eucharistiâ eum fecisse tum apud Peruanos tum Me-
xicanos existimat & narrat Iosephus Acosta in I lli-
riâ morali occidentalis Indiæ libro v, cap. xxiii &
xxiv. Et hæc de baptismo, aliàs uberius
tractanda, nunc suffi-
ciant.

ΤΩ ΘΕΩ ΔΟΞΑ.

